


凌云阁诗草
续编

谭仁杰著

凌云阁诗草

谭仁杰



作者伏案读书

自序

余年十四五，即从先君子学为诗。虽承庭训，且用力甚勤，然以时世变易，诗道式微，典籍匮乏，师友鲜少之故，于诗学也卒无所成。

余今老且惫，无复当年之雅兴与精力，诗之不作已久矣。第念五十年来。殚思竭虑所为诗词不下数百首，纵无卓然可传之作，而敝帚亦足自珍也。若不加辑集，听其散佚湮灭，未免可惜耳。是以忘其舛陋，先后于丁丑丙戌编成《凌云阁诗草》与《凌云阁诗草续编》，并打印成册，分赠师友。

然诗草与续编所选皆近体，古体、诗余概未收入，故非全豹。尝欲编辑全集，付之梨枣，终以种种缘故，未能如愿也。今者友人劝余曰：“先生与其坐待遥遥无期之全集问世，何如先将诗草、续编版印行世，为计之得乎？至于刻板印刷诸事，某愿独力任之，先生乐见其成可也。”余感其意而是其言，乃序而付之雕版云。

岁在庚寅季夏之月开平谭仁杰

自序于珠海拱北寓庐

目 录

早 春	1
梅花二首	1
汕头迎春楼	1
端午前二日接友人振欢书	2
壬子春，从叔父携眷自海南归，盖离家七年矣。 正喜团叙有时，无奈三日又告分手，情殊怅怅， 赋此送行。	2
即 事	2
癸丑年冬十月，于合山重读《红楼梦》，书其后 十首【选七首】	3
咏 史【选二首】	4
重游陵园有感	5
暮春书怀	5
失 题	5
题 画	5
无 题	6
留别衣德诸同事兼述怀	6
感事呈谭校长树钿次留别韵	7
夜泛沙湾	7
又呈谭校长树钿叠次留别韵	8
赠女丹青手黄君	8
七 夕【十首选三】	9
荔 枝	9
辛亥年冬十一月阴雨连绵，烦闷不已，赋此以	

志怀	10
茭城杂咏【十首选三】	10
一九七二年秋，超然大夫赴广州中医学院就读， 余与舍弟柏，余君炎培，谭君振宇、景清，文 若诸人饯送于开新餐厅，席间口占一首以贻之	11
一九七二年，开恩二县二万余人云集合山开河 建电站。越三年，工程垂成。追思辟草莱者之 艰虞，不无感慨，爰赋顶针体五章以纪之【选 一、四】	11
赠 人	12
翠 竹	12
悼念周总理【五首选二】	12
白云松涛	13
咏 菊	13
秋日偕同学游越秀公园七绝五章	13
次韵韩南屏君陵园观菊	14
过陶公故居	15
明妃曲次李攀龙和聂仪部韵 【五首选一】	15
谢君乃驹索诗，书旧作以贻之	15
周夫子兆存见赠一绝次韵奉呈	16
闺 怨	16
读放翁集书其后三首	16
题陈生所绘山水画	17
纸 鸢	17
江 行	18

小年夜有感	18
寒 食	18
读西藏民间故事《同身鸟》，爱其质而义也， 感赋一首	18
秋日登台眺望	19
晓 起	19
江行遇雨	19
三埠送芸兄赴粤北山区	20
感 事	20
登 高	20
一用前韵登台眺望	21
四用前韵登台眺望	21
七用前韵登台眺望	21
喜晤关灿芬余国林二子	22
五月十一日与邓君绍宪相遇于茭江渡口，彼此 握手问讯，感叹唏嘘，口号一首赠之云尔	22
述怀二首	23
送邓君伟叶之任佛山外贸局	23
留别合山潘谭二子	24
喜客至	24
书 愤	24
武斗乱后经台城镇	25
寄舍弟柏	25
秋夜怀人	25
合山抒情	26
书清宣统帝溥仪《我的前半生》后	26

十九初度述怀	26
春 草	27
闲 居	27
喜 雨	27
次邓君文辉感旧韵	28
游 踪	28
雨夜灯下独坐有感	28
十六日雨	29
重 阳	29
春日即景	29
风雨后出城沿江漫游成长句	30
姨母夫妇自檀抵澳门，与家慈电话通问，诗以 纪之	30
南楼怀古	30
辛亥重阳	31
村居杂吟	31
一九七八年十二月某日，偶遗诗稿于 119 室， 不知谁人拾得，题诗其上，读而和之	31
闻梁鸿兄自澳安抵香江	32
雨中登文颖楼	32
过乌江吊项王	32
秋 怀	33
述怀呈丘夫子述尧	33
后 记	34
跋	35

早 春

寒雨潇潇下，孤鸿渺渺飞。
东园春信早，梅萼吐新蕤。

梅花二首

万木犹酣睡，寒梅已绽开。
年来又年去，独自占花魁。

月色白如银，舍旁梅萼新。
琉璃一池水，谁是断魂人。

汕头迎春楼

乳岩危欲坠，烟树翠疑流。
此地迎春早，葱茏满一楼。

端午前二日接友人振欢书

时近端阳节，龙舟水涨初。
鲤鱼吹雪上，载得故人书。

壬子春，从叔父携眷自海南归，
盖离家七年矣。正喜团叙有时，无奈
三日又告分手，情殊怅怅，赋此送行。

团圞甫三日，分首又匆匆，
何物堪持赠，故山一把菘。

即 事

泼墨云飞急，跳珠雨入狂。
轩窗关不住，射湿半张床。

癸丑年冬十月，于合山重读《红楼梦》，书其后十首【选七首】

文笔风流若有神，玉缘写罢写金姻。
赚他多少痴儿女，掩卷无言泪满巾。

卖画求酤不胜贫，碧云寺里病诗人。
可怜死后牛眠地，蔓草丛生久已湮。

寂寂琴书漠漠尘，西风料峭草虫呻。
繁华事已如流水，愁杀红楼梦里人。

淡扫蛾眉纵入时，也无人解爱西施。
潇湘独自支颐坐，心曲难言鹦鹉知。

深闺睡起意迟迟，懒点樱唇懒画眉。
犹忆夜来瘞花事，荷锄月下泪涟洏。

东风无赖暮春时，吹坠残红满绿陂。
自检自埋还自恨，灯前愁赋落花诗。

一回一读一酸辛，燕尔恩情总属尘。
石已无灵花又老，风流如梦煞愁人。

咏 史【选二首】

跋扈藩臣割据凶，凡今谁是出群雄？
朝廷衮衮虽多士，无奈洹江一钓翁。

匝地烽烟迫帝都，庙堂无策任驱胡。
可怜社稷成灰烬，犹问草桥失有无。

注：借用杜工部句。

重游陵园有感

陵园一别梦绸缪，菊白枫红又浪游。
殉国忠魂何处去，两三鹃鸟唤深秋。

暮春书怀

每年三月病涔涔，无复闲情作咏吟。
春暮花残风雨恶，愁思又入一层深。

失 题

沉雷刚过心犹悸，风雨如磐又袭来。
极欲乘鸾脱身去，尘寰无路到蓬莱。

题 画

平原芳草添春色，曲涧清泉漱石声。
一抹斜阳鞭影里，蹇驴犹向此山行。

无 题

芦花雪白蓼花红，断续飞鸿断续风。
莫讶天寒无倚处，此间修竹绿葱葱。

留别衣德诸同事兼述怀

半载交游友谊深，一朝分袂泪沾襟。
人生自是多情燕，会把故庐仔细寻。

散馆归来作耦耕，辛勤谁记咿唔声。
而今祇有农夫愿，望岁丰穰露积成。

屈指将为而立年，利名依旧似浮烟。
谁怜孺子乌私愿，为买城南负郭田。

注：余时年二十八，此举其整数三十而言。

感事呈谭校长树铤次留别韵

乱叶惊风秋已深，霜寒渐欲透衣襟。
黄花愁对陶元亮，载酒何人肯访寻。

披星戴月闹冬耕，沃野喧腾叱犊声。
我与农人同一祷，风调雨顺好年成。

马齿增添又一年，雄心万丈散如烟。
此生已卜无能耐，只合携锄学种田。

夜泛沙湾

蜿蜒溪流之字环，小舟乘月荡沙湾。
轻摇画桨惊芦影，扑落一声飞白鹇。

又呈谭校长树钿叠次留别韵

世味年来尝已深，向人不敢露胸襟。
等闲勘破繁华梦，易理盈虚懒索寻。

舌耕无份且躬耕，爱听催春布谷声。
一雨郊圻腾笑语，桑麻沃若木蚕成。

株守家园三十年，敢期名字上凌烟？
元龙豪气销磨尽，剩欲断断问舍田。

赠女丹青手黄君

前生疑是管夫人，造化丹青妙入神。
剪取素缣三百匹，得闲为我写松筠。

七 夕【十首选三】

鹊儿今夕架河梁，牛女相逢话短长。
忽地风狂雨来急，漫空离泪落千行。

女织云裳男牧牛，二人原是力耕俦。
年年相会银河上，只说农桑不说愁。

又是银河相会期，天边新月动相思。
仙人不是无情者，也解珍怜覩面时。

荔 枝

累累荔实压枝弯，绿绕红绡水嫩颜。
妃子已亡丞相死，不劳车马越关山。